

Taichiam excipiunt *Ocelli* montes, ipsi quidem magna ex parte, atque ager ad eorum radices in Iernensi præfectura censentur. Verum reliquum agri ad Fortham usque ambitio in varias præfecturas dissecuit, *Clacmananam*, *Cobrossianam* & *Kinrossianam*. Ab his & *Ocellis* montibus quicquid agri a lateribus *Fortha* & *Taus* claudunt, in Orientem anguste cuneatur ad Mare. Et uno nomine appellatur

Fisa.

Fisa, omnibus rebus ad usum vitæ necessariis sibi sufficiens: qualacus *Levinus* eam scindit, latissima: inde utrinque se colligens in angustum usque ad *Cavaliam* opidum. Annem unum qui memoratu sit dignus *Levinus* fundit. Totum littus frequentibus opidulis præcingitur: è quibus maxime est memorabile propter bonarum artium studia *Fanum Andree*, quod prisci Scoti *Fanum Reguli* appellant. Interius in media fere regione est *Cuprum*, quo reliqui *Fisani* ad jus accipiendum conveniunt. Qua Ierniam contingit, est *Abrenethium* vetus

Opida.

Flumina.

Pictorum regia. Hic in Taum influit *Ierna*. Ipse autem *Taus* è lacu *Tao*, qui est in *Braid Albin*, viginti quatuor millia longo erumpit, fluviorum Scotiæ facile maximus. Is se ad Grampium montem inflectens, *Atholiam*, attingit regionem fertilem in ipsis Grampii saltibus collocatam. Infra *Atholiam* ad dexteram *Tai* ripam sita est *Caledonia* opidum, vetus tantum nomen retinens, vulgo *Duncaldem*, id est tumulus corilis confitus. Corilus enim cum per inculta se latissime funderet, & silvarum opacitate agros tegeter, & opido & genti nomen dabat. *Caledones* enim, aut *Caledonii* gens olim inter Britannorum clarissimas alteram partem regni Pictorum faciebant: quos Ammianus Marcellinus in *Caledones* & *Vecturiones* dividit, quorum nunc vix nominis vestigium aliquod superest. Infra *Caledoniam* ad duodecim millia passuum in eadem dextra ripa est *Perthum*. Ad sinistram ripam sub *Atholia* ad Orientem spectans est *Gourea* frumentariis cæpis nobilis. Et sub hac iterum inter Taum, & *Elcam* porrecta *Angusia*, five vt prisci Scoti loquuntur *Aeneia*.

Gourea.

Soli fertilitas.

Angusia.

Urbium nomina.

Sunt qui *Horestiam*, aut juxta dialectum Anglorum *Forestiam* dictam putant. In ea sunt ubes *Cuprum*, & quod *Boëthius* patriæ suæ gratulans ambitiose *Dei donum* vocat. Vetus enim nomen *Taodunum* fuisse reor, a *Duno* id est colle ad Taum sito, sub cujus radicibus opidum est exstructum. Extra Taum ad XIIII millia passuum recto littore occurrit *Abrenethea*, alio nomine *Obrinca*. Deinde *Rubrum* promontorium satis longe conspicuum. *Esca* fluvius cognomento Australis mediam fecat: alter *Esca* Septentrionalis eam a Mernia dividit. Ea ex magna parte solo est campestri, & plano, donec ultra *Fordunum* & *Dunotrum* Comitum Martialis arcem occurrat *Grampius* paulatim se demittens, & in Mare subsidens. Ultra eam ad Septentriones est *Deva*, vulgo *Dea* fluminis ostium: & plus minus mille passus ulterius *Dona*. Ad alterum *Abredonia* est Salmonum

Abrenethea.

Suum.

Urbium nomina.

piscatu nobilis, ad alterum Episcopi sedes, & scholæ publicæ omnium ingenuarum artium studiis florentes. Hanc citeriorem invenio vetustis monumentis *Abredeam* appellatam. Nunc utrumque opidum *Abredonia* Veteris & Novæ cognominibus distinctum vocatur. Ab hac tam angusta fronte inter hæc flumina incipit *Marria*, ac sese paulatim dilatans ad lx in longitudinem millia se protendit *Badenacham* usque. Ea regio perpetuo dorso continetur, & in utrumque Mare diversa magnaque flumina evergit. *Badenachæ* confinis est

Marria.

Suum.

Abria,